

اداره خانه

باب عالی بجاده سنده دائره مخصوصه

آبونه شرائطی

ممالك هشتمیه ده سنه لکی (۶۵) ، التي
آیلنی (۳۵) غروشدر . ممالك
اجنبیه ده سنه لکی (۱۷) ، التي آیلنی
(۹) فرانقدر .

[ایضاحات : نسخہ سی الی پاره ، آلق
آیاخی برجلد ، هرجلدی ۲۶ نسخہ در .]

افطارات

§ آبونه بدلی پشیندر .

§ آدرس تبدیلنده قرق پاره لک پول
کوندرملی در .

§ مسله موافق آثار مع الممنونیه
قبول اولنور . درج ایدیلمین یازیلر
اماده اولوغاز .

الکشاف

۱۳۳۰

افطارات

رساله مزدن آلدینی کوسترملک شرطیه
بتون یازیلر هر هالکی بر غزته طرفندن
اقتباس اولونه ییندر .

§

مکتوبلرک ، امضالرک واطع و
اوقوناقلی اولسی و آبونه سره
نومروسی محتوی بولونسی لازمدر .

§

ممالك اجنبیه ایچون آبونه اولانلرک
آدرس لرینک فرانسیزجه سرده یازلسی
رجا اولنور .

§

پاره کوندردلکی زمان نه یه دائر ولدیقنک
واضحاً بیلدیرلسی رجا اولنور .

اتبعون اهدکم سبیل الرشاد

دینی، علمی، ادبی، سیاسی هفته لک مجموعه اسلامیہ در

والله یهدی من یشاء الی صراط مستقیم

شیرین

عراق :

هندستان مخبر مخصوص توفیق بك بغداددن اشعار اییدیور :

سره عملیاتی . — بغداد ولایتی دفتر داری برقچ کون اول هر مسئولیتی عهده سینه آلهرق سده عملیاتی در عهده ایدن انگلیز قومپایه سینه بش بیک لیرا ویرمک صورتیله هم مذکور عملیاتك برآن اول ا کالنه ، همده بوحرکتلریله دولت و ملتزمك شان و شرف اقتصادی و عمرانیسی محافظه ایتمه موفق اولمشدر .

§ آسایش و سکون بوآشاده کرکی کبی حکمفرمادر . جهالتدن متحصل بعض دیدی قودیله . — که بغداد قهوه خانه لرینک محصولدر . نهایت ویرلشدر .

§ والی معاونی عمر لطفی بکله بغداد ژاندارمه مفتشی جمال پاشا بعض تدقیقات و تحقیقاتده بولمقی اوزره بصره یه قدر برسیاحت اجرا ایتلشدر .

§ وقت وزماننده یاغموورلرک یاغمامسندن طولانی زراعت یوزی کولامکده و بویوزدن ، ممالک اجنبیه یه تجارت ایچون حیوانات اخراجاننده دوام ایدن محترک تاجرلر ذخایر موجوده یی انبارلرینه قیاتوب ، ذخیره فیاتنک یوکسلمسینه سببیت ویرلشدر . زوالی اهالی ایسه بو معامله دن صوک درجه متضرر اولدقلرندن والی ذکی پاشایه حاللری عرض و شکایت ایتلری اوزرینه ، داخلده کی ذخایرک اهنون فیاتنه صاتیلمسیله ، شمیدین جوار محللردن ذخیره جلی اسبابنه حکومتجه توسل ایدلشدر .

§ برای زیارت عتباته عزیمت ایدن پشتکوه والیسی امیر جنک بغداده معاودت ایدرک ، آمدشد ائناسنده کندیسنه حکومت محلیه جانبدن حرمت فوق العاده ابراز اولمشدر .

طرابلس غرب :

اسلام مجاهد لرینک مقارنسی . — قاهرده چیقان (الجریده) نك طرابلس غرب مجاهدلری میاننده بولنان مخبری ، (بقیق) نام موقعدن مذکور غزیه افرنجی نئسانک اون اوچنده شو تلغرافی چکشدر :

« دون صباح بزم پیشدار لرینک موقعلرینی ایتالیانلر درت طیاره ایله تفتیش ایتدیلر . بو طیاره لرک نزولندن یارم ساعت صوکره مختلف آلایلردن مرکب اولقی اوزره برایتالیان قوتی خروج حرکتنه باشلادی . بونلر هنوز بش یوز مترو ایلریله ممش ایدیلرکه بزم طرفزدن مقابله اولندی . درت ساعت دوام ایدن شدتلی بر محاربه دن صکره ایتالیانلر عادت مألوفه لری اوزره قاچقه باشلادیلر و قاچارکن آرابه لره مجروح یوکلهدیورلردی که بو آرابه لرک مقداری اون بش ایدی . بزم مجاهدلردن ایکسی شهید اولدی ویشی خفیف صورتده یارالاندی . برفطوغراف ماکنه سی ایله قرق لیرا ، بش تفنک وکلای مقدارده فشنگ اغتنام ایتدک . »

ایتالیانلر سرح طویله مفره باشلوشلر ! — ۲۱ نئسان تاریخیه رومادن وارد اولان برتغرافنامه ده : « مرغ اهالیسنک سلاحلرینک طولایا تدیرلشنه باشلانیدنی ، بدویلردن بر چوغی ارزاق و مهماتی ترک ایله فرار ایلاکلی ، (مرغ) و (تومله تا) قبائی رؤساستدن بر چوغی ایتالیا حکومتنه عرض تسلیمیت ایلاکلی ، مذکور ایکی شهر آره سنده تلغراف مخبراتی تأمین اولوندنی » بیله یرلمکده در .

ایران :

عالم اسلامده انگلرزه نفوزی . — طهراندن روس غزته لرینه چکیلن

بك آذر . والحاصل فکرلری همان عمومیتله دینه جک درجه ده لهمزده در .

بوکون بیترفلده پارسه وان بالونی بر عثمانلی قومیسونی طرفندن تجربه و قبول اولندیغنی بورا غزته لرنده او قودق . المانلرک سوینجی کورسه کنز . . . چونکه انگلیزلرده الملق استهشاردی . لکن حکومت راضی اولماش ایدی . شمیدی دیورلرک : « انگلیزلر ملیونلر ویرسه لر ، دکل بر بالون ، حتی اونده برینی سیله ویرمیز . لکن عثمانلیر ایسته دکاری قدر ، حتی زه پلین دخی ایسته مش اولسه لر اونیه ویر ز . » حتی وقتیه تتبعات قومیسونی بوراده ایکن قونت ژپلین استانبولده بر ژپلین بالونی ترسانه سی انشا ایتمه سی نطقده سولش ایدی . بلکه حکومت بورا حکومتته مراجعت ایده جک اولسه فریدر یق سحافنده بولنان ترسانه یه توسیع معلومات ایتک اوزره برقچ طلبه قبول ایتدیره ییلورکه ایلروده بزم ایچون فائده دن خالی دکلدر . چونکه بوندن بویه بالون محاربه لرده بیوک بررول اوینایه جقدر . بزمده شمیدین ایشه مباشرت ایایه رک بالون اعمال ایتک ایچون آدم یقشدر مکمل کمز لازمدر .

سلانیکده موجود اسلام مهاجرین ایچون بوراده بیوک بر فعالیتله اعانه طولایانمقده در . اشتراک ایدن بك چوقدر . بنده کزده المدن کان تشویقاتده قصور ایتیمورم .

نعیم بکک اخلاق اسلامیه نك اساسلری مقاله سندن برنجیسی المانجه یه ترجمه ایتدم . دوققور چودی بك مکمل بولدی . و المانجه جمله لرینک تنظیمنده معاونتی دریغ ایتیه جکلرینی وعد ایتدیلر . یالکنز نشر اولغسی مشکلاتی وار . باقلم نه یه قرار ویره جکمز .

« آسیا تهلیکده » عنوانی کوندربلن رساله ا لی ایله برابر واصل اولدی . المانجه یه ترجمه ایتدم . بورا غزته لرنده ویا رساله شکلنده نشر اولنه جقدر . بوبابده بورا غزته لرلی مخبرلرندن بریله کوروشدم . اتحاد عرق اصفر طیبی آسیا اقوامی ایچون منافعی انتاج ایدر بر ماده ایسه ده ، اوروپایلر بونک میدان چیققی امکانی اولمیدیغنی ، چونکه آسیا اقوامی هنوز بویه بر فکر کماله مالک اولدقلرینی بیان ایتدی . برده دیدی که : « آسیالیر هر نه یه تشبث ایدرلر ایسه حقیقی بر آتشله باشلارلر . لکن بو آلو براروت آلی کی اولوب چابوق سوز . بوندن ماعدا آسیالیر هر شئی بیولتمکه آلیشمش اولدقلرندن بویه بر اتحاد عرق اصفر تشبثک بر ثمره سی کورولنجه یه قدر آوروپایلره قارشو برکوز داغی اولدینی اعتقاددن قورتوله میه جقلدر . مع مافیه هر هانکی برایشده ثبات ایدیه جک ولورسه حسن نتیجه یه ایصال اولنور . لکن آسیالیرک ثباتی یوقدر . »

بزه ، بالفعل بونک عکسنی اثبات ایتک ، ثباتکار اولدیغیزی کوسترمک دوشر . استوفارت : محمد خیرالدین

بر تلغرافنامه به نظر آیم رسمی بر غزته اولان (آفتاب) محافظه استقلال
ایچون انکیزلره ائتلاف پولتیکه سنک ایران سیاست خارجیه سنده اساس
اتخاذ ایدلسنی ترویج ایتکده ایش .

مسلمانلرک ایشی بر بر بله چاریشمور . — کچنلرده بر انکیز یوز .
باشیدن قتل ایتدکلرندن طولای تأدیبلرینه تثبیت ایدیلن بوی احمد قبیلای
ایله بختیاریلردن مرکب اولان حکومت مفرزه سی ارسنده بر مصادمه وقوع
بولش و بختیاریلرک مغلوبیتله نتیجه لشمدر .

روسیه :

مسلمانلر امور خیریه رمعارف . اورال وادیلرنده متمکن اولان
اقوام اسلامیه ارسنده ترقی و تمدن امللرینک یورومکه باشلادین بعض آثارندن
استدلال اولنمقده در . از جمله شمده یه قدر اورالرده کوچیه حالنده اصرار
حیات ایتکده اولان اسلام قبیللرندن بعضیلرینک حکومته مراجعتله اسکانلرینی
طلب ایله کلرینی شمالی روسیه مطبوعاتی خبر و بریور . قیرغیزلرده او قویوب
یازمق ایچون بویوک بر حرکت مشهود اولمقده ، معلملر واسطه سیله بر چوق
غزته و رساله لر جلب ایتکده درلر .

§ قزان جوارنده ابتدائی مکتبلری تأسیس و کشادینه چالشمق اوزره
قزان ارباب حمیتی ، نشر معارف ، نامیله بر جمعیت تشکیل ایلمشدر . بو
جمعیتک ترتیب ایدلش اولان نظامنامه سی برای تصدیق روسیه حکومتنه
تودیع اولونمشدر .

§ قزانده چوققلره مخصوص اوله رق « آق یول » نامنده بر غزته
نشرینه باشلامشدر .

دوماده مسلمانلر فرقی . — دوماده انتخاب قانوننک مذاکره سی
اثناسنده مسلمان فرقه سی نامنه ایراد نطق ایدن محمد میرزا افندی دومای
اعضاسنک نظر دقتی بالخاصه آتیده کی ماده جلب ایتشدر : (۱) قیرغیز
اوواسی ، تورکستان و ماورای حزر ولایاتی کی تورکارله مسکون اولان
محللر تمامیله حق انتخابدن محروم بر اقیامشدر . بونک ایچون بورالرده کی اهالی
کندی احتیاجات و مطالباتی دومایه عرض ایده چک واسطه یه مالک بولونما .
یورلر (۲) انتخاب قانون حاضری قافقاسیه مسلمانلرینک حقوق انتخابیه سنی
او قدر تحدید ایتشدر که قوجه قافقاسیه قطعه سی بو قانون موجبجه انجق
ایکی اسلام مبعوث چیقارمیکده در . (۳) حوالی داخلیده ، روس اولمایان
مللر تقریب اولونه رق مستقل برر دائره انتخابیه وجوده کتیریلدیکندن
انلرکده حقوقی دوچار ضیاع اولویور و بو حال آرزو ایتدیکی تقدیرده
اسلاملردن بر کیشی بیله مبعوث چیقارمیه چق صورتده داخلیه ناظرینه
واسع صلاحیت و وسیله لر بخش ایدیور .

مسلمانلر امور اقتصادیه . — باکوده بابایف و شریفوفلر ، نفت
وصو بورولری وضعی ایچون « دیانت » نامنده بر شرکت تشکیل ایتشدر .
بو شرکتده بر چوق مسلمان خانلریده اعضا بولنه چقدر .

تورکستان :

تورکستانده امنیه لر . — یاقین زمانلره قدر روسیه حکومتی هیچ
براجنی نک تورکستانده دحولنه مساعده ایتزیدی . صوک سنه لرده بومنعویت
قسماً قالدیریله رق اجنبی ارباب تجارت و صنایعنک اورالره کیمه سنه مأذونیت
وبریشدر . بوندن بالاستفاده ایکی فرانسیز تاجری تورکستانده بر مؤسسه
تجاریه آچمشلر و برخیل اراضی اشتراسنه قویولمشلردر .

افغانستان :

افغانستانده آثار ترقی . — روسیه ده کی مسلمان غزته لرینک بیانه کوره :

افغانستانک حیات سیاسی و اجتماعی سنده شایان دقت و تقدیر بعض حرکات
ترقی و روانه کورولمکده در . بر قاج سنه دن بری نسبی بر اساس اوزرینه ویرکو
طرح و تحصیلنه احتنا ایدلمکده اولدیغندن بوسایه ده افغانستانک وارداتی ده بک
زیاده تراید ایلمشدر . معاملات رسومیه اولدجه تحت انتظامه اندینی کی پوسته
منافقاتی ده اصلاح اولونه رق کوچوک قصبه لره قدر تمدید و توسیع ایدلمشدر .
بویوک شهرلر ارسنده تلغراف خطوطی تمدید ایدلش اولدیغندن مراکز
مهمه نک هپسی کابل شهریه تلغراف تعاطی ایدیور . کابلده عینی زمانده
انکیز خطوط تلغرافیه سی ده بولونمقده در . اصول اداره سیاسی و اجتماعی ده ده
بعض تحولات وجوده کتیریشدر . اولجه ، امورینه معاشات و بریلرک بونلر
آنجق اهالیدن آله جملری عادات ایله تأمین معیشت ایدرکن شمده هر مأوره
معین مقدارده معاش اعطا اولونمقده در . صنعت و تجارتک مللشدیریله سی
حقننده ده بعض تدابیره توسل اولونیور . ملی صنایعک انکشافی کوستره چک
اک بویوک اثر کابلده کی طوب و تفنک اعمالاخانه سیدر . بوقایریقه هفته ده ایکی
طوب و ۱۲۵۰ توفنک و بونلره یقه چک قدر مریمات احضار ایده چک
قابلیتده در . حرف و صنایعک تکمیلی ایچون هر سنه بر چوق صنعتکارلر
انکلتزه دارالصناعه لرینه کیدیورلر . معارف و خصوصات ساثره ده دخی
بعض آثار تجدید کوستریلکده اولدینی کی ، افغانستان حکومتی شمندوفرلر
تمدیدی مسئله سیله ده اوغراشمقده در .

وثائق تاریخیه

متارکه

عثمانی تلغراف آژانسنک رسماً اعلاننه کوره عثمانی و بلغار اردولری
آره سنده شفاهاً تقرر ایدن شرائط آتیه داخلنده تعطیل مخاصات ایدلمشدر :
۱ — چتالجه ده و بولایرده مخاصات نیسان رومینک اونجی کوننه
قدر تعطیل ایدلمشدر .

۲ — بومدت طرفنده مذاکرات صلحیه نتیجه لمر ایسه مدت
مذکوره بالذاکره تمدید اولنه بیله چکدر .

۳ — طرفیندن آمین اوله چق رقومیسیون واسطه سیله هرایکی
اردو بیننده بر منطقه بیطرفی تأسیس اولنه چقدر .

۴ — تکرار مخاصاتنه ایتدار اولنه چق اولور ایسه طرفین
یکدیگرینی ۴۸ ساعت اول خبردار ایدم چک و بومدت خبرک دیگر
طرفه ایصال ایدلدیکی کونک آقشامی ساعت سکزدن اعتبار اوانه چقدر .

۵ — تعطیل مخاصاتنک دوام ایتدیکی مدت طرفنده بلغار
اردوسنه معارض کورفری ایله قره دکز ساحلندن ارزاق و مأ کولات
کتیرلمسنه عثمانی دو ناماسی طرفندن ممانعت اولنمیه چقدر .

اعتذار

کچنکی نسخه مزک شتون قسمنده مندرج بعض فقرات نصلسه هیئت
اداره و تحریریه نک نظر تصویبندن کچمده دن درج ایدلش بولوندینی جهته
بیان اعتذار اولنور .